

Primacassa

Nûf incuintris
sul nestri doman

La bancje cooperative Primacassa e sta organizant nûf incuintris clamâts "Giovedì Prima di tutto" che si davuelzaran di Fevrâr a Dicembar in diviers paîs e citâts de provincie di Udin. Cul jutori di personaçs impuartants di diviers setôrs, si discutarà sui grups di chenti e dal mont che ogni di la nestre comunitât urlane e scugne frontâ.

"No sin dome une bancje – al à dit il president **Giuseppe Graffi Brunoro** –, ma prime di dut o sin une cooperative di credit che e ponte a creâ vantaçs pai socis, pai clients e par dut il teritori là che a lavorin".

Il prin apontament, sore nuie, al sarà joibe ai 2 di Fevrâr a Udin tal Cine Visionario. Aes 6 sot sere si fevelarà di "Gnovis sfidis



Il presidente Giuseppe Graffi Brunoro e il direttore Marco Pontello

e gnovis oportunitâts pal teritori e pai zovins". Cui che si note prime al varà ancje un biliet par jentrâ tal museu di Cjase Cavazzini. (r.c.)

Sant patron

A Udin in fieste
la Polizie comunâl
di Friûl e Venet

Femins e oms de Polizie comunâl des regjons Friûl-Vignesie Julie, Venet e Trentin e Sudtirôl, si son cjatâts a Udin par festezâ il Sant patron dal cuarp, S. Bastian martar. Cussì, plui di tresinte di lôr in divise uficiâl a àn cjaminât in corteu par il centri de nestre citât, fin a rivâ li de Basiliche des Graciis, in Zardin Grant, là

che si è tignude la sante messe.

Tancj ancje i sindics presints ae cerimonie, cul assessôr regjonâl **Pierpaolo Roberti**. Il sindic di Udin, **Pietro Fontanini**, al à dit graciis a chei che a puartin chesta divise e in plui al à prometût che il so Comun al à chês di rivâ dentri di pôc a cent agents. (r.c.)



Il corteu in centri a Udin

Pro Loco

Svolant parsore
il Friûl-Vignesie
Julie

Svolâ parsore de nestre regjon cence movi i pîts di tiere. Al è pussibil fâlu in grazie de mostre di fotos "Friuli-Venezia Giulia in volo" inmaneade de Union des Pro Loco (Unpli Fvg) e vierte fin ai 10 di Fevrâr tal claustru des Graciis in Zardin Grant a Udin. Il proget al è stât fat di doi fotografis di chenti une vore cognossûts: **Fabio Pappalettera** e **Diego Petrussi**, che a àn fotografât tancj puecj de nestre regjon cul drone. La mostre e jere za stade metude adun tal 2019 te sede de Union Europeane a Bruxelles. (r.c.)



La mostre a Udin

Concors des Pro Loco



Il presepi de sceule di Praturlon

I letôrs a premin il
presepi de sceulte
di S. Vît al Tiliment

Ancje chest an al è rivât insom il Concors pai presepis intes sceultis e intes elementârs dal Friûl-Vignesie Julie, inmaneât des Pro Loco (Unpli F-Vj) e sostignût de Societât Filologjiche Furlane, di Civibank e de Fondazione Friuli. La zurie e à decidût di premiâ lis sceultis di Pieris di S. Canzian dal Lusinc, 'Bons. Fain' di Grau, Caprive, Strassolt e chês di Ruvigne. Pes sceulis elementârs chês di Prate Disore, Atimis, 'Mazzini' di Udin, Cjons e Gjais di Davian. E ancje chest an i letôrs dal nestri gjornâl a àn podût votâ i 75 presepis in corse. Vindicôr dal premi speciâl Il Friuli al è l'asil di Praturlon di S. Vît dal Tiliment cun 5.264 preferencis, metint adun i vòts traviers i coupon dal setemanâl e i clics sul sît. A chesta sceule e larâ dal materiâl didatic. (r.c.)

Valerio Rossitti

La storie dal
mangjâ contade
di un miedi

A Tavagnâ al è stât presentât il libri "La Veridica Historia della Gastronomia" che al cjape dentri i scrits di une vite di **Valerio Rossitti**, miedi di mistîr, ma grant passionât di bon mangjâ. Il libri al è stât publicât da L'orto della cultura par cure dal mestri cogo **Germano Pontoni**. Dentri si contin secui di storie e di cemût che l'om si è nudrît. Rossitti al riferis une vore di curiositâts traviers documents, ma ancje leterature, poesii e liendis. Si ven cussì a scuvierzi cualis ricetis dai romans a son ancjemò dopradis in Friûl in di di vuê e parcè che si clame frascje il puest dulà che si va a bevi vin. (r.c.)



La cuviartine dal libri

Regjstrazion Tribunâl di Udin n. 14 dai 09/12/2022

Diretôr responsabil: Rossano Cattivello

Redazion: Erika Adami, Alessandro Di Giusto, Silvia De Michielis, Andrea Ioime, Valentina Viviani

Redazion grafiche: Devid Fontana, Simone Lentini, Stefano Lentini

Editôr: Editoriale Il Friuli Srl

Regjstri nazionâl de stampe n. 5223 - Associât al Uspi

Responsabil tratament dâts Dlgs 196/2003 Editoriale Il Friuli Srl

Amministradôr e diretôr editoriâl: Alfonso Di Leva

Stampe: Centro Stampa Quotidiani Spa - Vie dell'Industria, 52 - 25030 Erbusco (BS)

Abonaments: anuâl 40 euros – paiament su c/c post. n. 15305337 intestât a Editoriale Il Friuli, vie Nazionale 120, Tavagnâ – bonific bancjari: Banca Intesa Sanpaolo - Agenzie Vie Cavour - Udin - Codic Iban: IT 32 F 03069 12344 100000000771

e-mail: redazion@lavosdaifurlans.com - Vie Nazionale 120 Tavagnâ - tel. 0432 21922

© Ducj i dirits a son risiervâts. Nissune part di chest gjornâl e pues jessi riprodusude

Realizât cu la poie di



PE TÔ PUBBLICITÀ

EURONEWS
PUBBLICITÀ

Euronews Srl Vie Nazionale, 120
33010 Tavagnâ - tel. 0432 512270
gruppmidiafriuli@telefriuli.it

MARAVEIS DAL FRIÛL
Fabrizio Zanfagnini

La man su la forcje, intune piçule stale furlane, e je tant che la flame tremolante di une cjandele aromai finide. E ilumine in maniere debile ricuarts e atmosferis cidinis di un passât che si piert inte vite convulse e imprevedibile dal di di vuê.

